



**PEKELILING AKADEMIK
BILANGAN 1 TAHUN 2016**

**PEMAKLUMAN TINDAKAN KE ATAS PELAJAR
IJAZAH SARJANA MUDA KOHORT KEMASUKAN
2012/2013 DAN 2013/2014 YANG BELUM
MEMENUHI SYARAT BAND MUET UNTUK
BERGRADUAT MENGIKUT TEMPOH YANG TELAH
DITETAPKAN OLEH SENAT UTeM**

Pejabat Pendaftar
4 Januari 2016

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.07/100-3/14 (3)

4 Januari 2016

PEKELILING AKADEMIK BIL.1/2016

PEMAKLUMAN TINDAKAN KE ATAS PELAJAR IJAZAH SARJANA MUDA KOHORT KEMASUKAN 2012/2013 DAN 2013/2014 YANG BELUM MEMENUHI SYARAT BAND MUET UNTUK BERGRADUAT MENGIKUT TEMPOH YANG TELAH DITETAPKAN OLEH SENAT UTeM

1.0 TUJUAN

Pekeliling Akademik ini bertujuan untuk memaklumkan kepada semua warga Universiti Teknikal Malaysia Melaka (UTeM) khususnya staf akademik dan pelajar mengenai tindakan ke atas pelajar Ijazah Sarjana Muda kohort kemasukan 2012/2013 dan 2013/2014 yang belum memenuhi syarat Band MUET untuk bergraduat mengikut tempoh yang telah ditetapkan oleh Senat.

2.0 LATAR BELAKANG

2.1 Mesyuarat Senat Bil.4/2011 telah memutuskan **bermula kohort kemasukan 2011/2012, semua pelajar Ijazah Sarjana Muda** dikehendaki mempunyai sekurang-kurangnya Band 3 di dalam MUET sebelum bergraduat. Bagi pelajar dari Fakulti Teknologi Kejuruteraan (FTK), Mesyuarat Senat Bil. 6/2014 telah memutuskan pelajar perlu mempunyai sekurang-kurangnya Band 2 di dalam MUET sebelum bergraduat. Perkara ini telah turut dinyatakan di dalam surat tawaran kemasukan kepada pelajar.

2.2 Seterusnya, Mesyuarat Senat Khas 1/2012 telah memutuskan **bermula kohort kemasukan 2012/2013, semua pelajar baharu Ijazah Sarjana Muda** yang mendapat Band 1 dan 2 diberi tempoh 2 tahun dari tarikh pendaftaran pelajar baharu untuk menduduki dan mendapat sekurang-kurangnya Band 3 untuk bergraduat. Jika pelajar gagal mendapat keputusan ini di dalam tempoh 2 tahun, pelajar diberi tempoh pengawasan selama 6 bulan dan sekiranya masih gagal,

pelajar tidak dibenarkan mendaftar mata pelajaran pada Semester tersebut.

2.3 Selanjutnya Mesyuarat Senat Bil. 11/2014 telah meluluskan penetapan semula syarat Band MUET minimum untuk kemasukan dan syarat untuk bergraduat program di dalam bidang Sains, Teknologi, Kejuruteraan dan Matematik (STEM). Pertimbangan dan kelulusan ini diberikan selaras dengan ucapan pembentangan Bajet 2015 oleh YAB Perdana Menteri di bawah tindakan strategi ke-3: Mengupaya Modal Insan dan Keusahawanan yang bertujuan untuk meningkatkan keyakinan diri dan kemahiran graduan berkomunikasi dalam Bahasa Inggeris. Penetapan semula ini **bermula pada Sesi Akademik 2015/2016** seperti berikut:

- i. Bahawa syarat Band MUET untuk kemasukan ke program Ijazah Sarjana Muda bermula kohort ambilan 2015/2016 adalah mempunyai sekurang-kurangnya Band 2 manakala syarat untuk bergraduat adalah Band 4.
- ii. Pelajar yang mendapat Band 2 semasa kemasukan Sesi 2015/2016 perlu mendapat sekurang-kurangnya Band 3 di dalam tempoh 2 tahun daripada tarikh pendaftaran pelajar. Sekiranya gagal, pelajar tidak dibenarkan meneruskan pengajian ke semester berikutnya dan akan ditamatkan pengajian.

2.4 Bagi pelajar Ijazah Sarjana Muda kohort kemasukan 2012/2013 dan kohort kemasukan 2013/2014; **Semester I-2015/2016 ini merupakan Semester terakhir** dan merupakan tempoh pengawasan 6 bulan untuk memenuhi syarat Band MUET untuk bergraduat. Bagi pelajar kohort kemasukan 2012/2013, tempoh 2 tahun sebenarnya telah tamat tetapi Senat telah memberikan pelanjutan tempoh 1 tahun lagi berdasarkan rayuan oleh pelajar (rujuk keputusan Mesyuarat Senat Bil. 5/2014). Surat-surat peringatan juga telah diberikan kepada pelajar serta ibu

bapa/ penjaga pelajar disamping peringatan-peringatan lain yang diberikan oleh pihak Fakulti/ Penasihat Akademik pelajar.

- 2.5 Tempoh pendaftaran wajib mata pelajaran bagi Semester II-2015/2016 secara atas talian telah berlangsung mulai 30 November hingga 18 Disember 2015 mengikut Kalendar Akademik 2015/2016. Seramai **382 orang** pelajar kohort kemasukan 2012/2013 dan 2013/2014 telah dikesan daripada rekod akademik Sistem Maklumat Pelajar belum mempunyai sekurang-kurangnya Band 3 di dalam MUET. Pelajar-pelajar ini terdiri daripada pelajar kemasukan biasa, pelajar Kemasukan Terus dan pelajar berstatus Daftar Semula mengikut Sesi Akademik yang berkaitan. Bertindak atas keputusan Mesyuarat Senat Bil. 4/2011, pihak Universiti telah **menyekat** pelajar-pelajar ini daripada membuat pendaftaran mata pelajaran bagi Semester II-2015/2016. Kumpulan pelajar ini tidak boleh meneruskan pengajian ke Semester II-2015/2016 kerana telah menghabiskan tempoh dan peluang yang telah diberi dan boleh diberhentikan berkuatkuasa Semester II-2015/2016.

3.0 KEPUTUSAN SENAT TERKINI

- 3.1 Mesyuarat Senat Bil. 12/2015 pada 23 Disember 2015 memutuskan supaya pelajar yang terlibat boleh diberi kebenaran mendaftar mata pelajaran Semester II Sesi 2015/2016 dengan **syarat:-**
- i. Jumlah kredit mata pelajaran diambil pada Semester II Sesi 2015/2016 ditetapkan **12** kredit sahaja, untuk membolehkan pelajar lebih fokus kepada peperiksaan MUET;
 - ii. Pelajar diminta mendaftar peperiksaan MUET Mac 2016 dan mengemukakan bukti telah mendaftar peperiksaan tersebut. Untuk makluman, **pendaftaran MUET masih dibuka dari 5 November 2015 hingga 8 Januari 2016**); dan

- iii. Pelajar hendaklah **mendaftar dan mengikuti kelas bimbingan intensif** Bahasa Inggeris anjuran PBPI sebagai persediaan menghadapi peperiksaan MUET pada bulan Mac 2016.

4.0 KAEDAH PELAKSANAAN

- 4.1 Pendaftaran mata pelajaran Semester II-2015/2016 hendaklah dibuat pada Minggu Pendaftaran Lewat Berdenda pada 22 Februari 2016 hingga 4 Mac 2016. Walau bagaimanapun pelajar yang terlibat **tidak dikenakan denda**.
- 4.2 Sebelum mendaftar mata pelajaran, pelajar hendaklah mengisi Borang Permohonan Mendaftar Mata Pelajaran Semester II – 2015/2016 (Lampiran A & B) dan dikepilkan dengan resit bayaran/slip pendaftaran peperiksaan MUET bulan Mac 2016. Pengurusan pendaftaran mata pelajaran akan dipantau oleh pihak pentadbiran Fakulti pelajar dan borang yang telah lengkap hendaklah diserahkan kepada pentadbiran Fakulti bersama-sama Borang Pendaftaran Mata Pelajaran (UTeM.P(A) 4/1). **Fakulti dan Penasihat Akademik pelajar perlu membuat semakan terperinci** dan hanya meluluskan pendaftaran mata pelajaran:-
 - i. Dengan jumlah 12 kredit sahaja;
 - ii. Jika pelajar telah mengemukakan resit pendaftaran/bayaran pendaftaran peperiksaan MUET Mac 2016; dan
 - iii. Jika pelajar telah mendaftar kelas bimbingan intensif Bahasa Inggeris anjuran PBPI.
- 4.3 Pihak pentadbiran Fakulti hendaklah memberikan borang yang telah dikumpul selewat-lewatnya 2 Mac 2016, kepada Bahagian Pengurusan Akademik untuk direkodkan.
- 4.4 Kaedah pelaksanaan ini hanya digunapakai bagi kumpulan pelajar 382 orang pelajar kohort kemasukan 2012/2013 dan 2013/2014 yang telah disekat daripada membuat pendaftaran mata pelajaran secara atas

talian pada 30 November hingga 18 Disember 2015 yang lalu. Mana-
mana pelajar yang tidak tergolong di dalam kumpulan ini akan
diuruskan mengikut peraturan sedia ada seperti biasa dan boleh
dikenakan denda lewat mendaftar mata pelajaran.

5.0 TARIKH KUAT KUASA

Pekeliling Akademik ini berkuat kuasa mulai **22 Februari 2016**.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

SM/BPA

**BORANG PERMOHONAN MENDAFTAR MATA PELAJARAN SEMESTER II – 2015/2016
OLEH PELAJAR YANG TELAH DISEKAT PENDAFTARAN WAJIB MATA PELAJARAN
KERANA BELUM MENDAPATKAN KEPUTUSAN SEKURANG-KURANGNYA BAND 3
MUET DI DALAM TEMPOH MASA YANG DITETAPKAN SENAT**

A. BUTIRAN PERIBADI

- | | | | |
|----|-------------------------|--|----------------------------------|
| 1. | Nama : | _____ | |
| 2. | No. Matrik : | _____ | 3. No. K/P: _____ |
| 4. | Fakulti : | _____ | 5. Kursus : _____ |
| 6. | Sesi Kemasukan : | _____ | 7. Tahun Pengajian Semasa: _____ |
| 8. | Jenis Kemasukan : | Kemasukan Biasa /
Kemasukan Terus /
Daftar Semula. | |
| 9. | Keputusan MUET Terkini: | Band _____ Sesi Peperiksaan: Mac / Julai/ November 201__ | |

B. PERMOHONAN

1. Saya memohon pertimbangan pihak UTeM agar dapat meluluskan pendaftaran mata pelajaran Semester II 2015/2016 dan seterusnya pelanjutan tempoh masa untuk mendapatkan sekurang-kurangnya Band 3 di dalam peperiksaan MUET.
2. Permohonan ini dibuat berdasarkan alasan yang berikut:
 - (a) jumlah kredit mata pelajaran didaftarkan bagi Semester II Sesi 2015/2016 ialah 12 kredit.
 - (b) saya telah mendaftar peperiksaan MUET Mac 2016. Salinan resit bayaran peperiksaan yang telah diakui sah disertakan.
 - (c) saya telah mendaftar dan akan mengikuti kelas intensif Bahasa Inggeris anjuran PBPI sebagai persiapan menghadiri peperiksaan MUET
 - (d) (alasan lain jika ada)

3. Saya pernah menduduki peperiksaan MUET beberapa kali seperti yang dinyatakan di bawah :

BIL	TARIKH PEPERIKSAAN	KEPUTUSAN (BAND)

(SILA LAMPIRKAN SLIP KEPUTUSAN MUET YANG TELAH DIAKUI SALINAN SAH UNTUK SETIAP PEPERIKSAAN YANG DINYATAKAN)

C. PERAKUAN PEMOHON

Saya dengan ini mengesahkan bahawasanya:

- (a) saya telah dimaklumkan dan memahami akan keperluan mendapatkan sekurang-kurangnya Band 3 dalam peperiksaan MUET sebagai syarat bergraduasi bagi semua pelajar Ijazah Sarjana Muda ("pelajar") bermula dengan kohort kemasukan Sesi Akademik 2011/2012;
- (b) saya juga telah dimaklumkan dan memahami bahawa berkuatkuasa mulai kohort kemasukan Sesi Akademik 2012/2013, tempoh masa dua (2) tahun dari tarikh pendaftaran pelajar baharu diberikan kepada pelajar untuk mendapat sekurang-kurangnya Band 3 di dalam peperiksaan MUET. Sekiranya pelajar gagal untuk memenuhi syarat tersebut, pelajar akan diberi tempoh pengawasan selama enam (6) bulan dan sekiranya masih gagal pelajar tidak dibenarkan mendaftar mata pelajaran pada semester tersebut;
- (c) semasa mendaftar kursus di UTeM, saya tidak mendapat sekurang-kurangnya Band 2 di dalam peperiksaan MUET;
- (d) saya telah membaca dan memahami isi kandungan surat tawaran dan Buku Panduan Kemasukan yang telah diterima oleh saya sebelum mendaftar di UTeM dan sesungguhnya mengakui kewajipan ke atas saya untuk memenuhi ketetapan di perenggan (c) di atas;
- (e) saya memahami dan akan bertanggungjawab sepenuhnya di atas apa-apa implikasi jika saya gagal mendapat sekurang-kurangnya Band 3 di dalam peperiksaan MUET di dalam tempoh masa yang ditetapkan sebagaimana dinyatakan di (c) di atas;
- (f) saya masih belum mencapai Band MUET yang diperlukan setakat tarikh menandatangani borang permohonan ini;

- (g) slip-slip keputusan peperiksaan MUET yang telah diakui sah dilampirkan; dan
- (h) permohonan ini dibuat adalah berdasarkan maklumat yang betul dan benar.

D. PENYERTAAN PROGRAM ASAS BAHASA INGGERIS (BLHL1010)

Saya ***pernah / tidak pernah** menghadiri Program Asas Bahasa Inggeris (BLHL1010) yang dianjurkan oleh PBPI sebagai kelas persediaan MUET.

Jika pernah menghadiri, sila nyatakan maklumat penyertaan:

SEMESTER	SESI AKADEMIK

Sekian terima kasih.

Tandatangan:

Nama:

Tarikh:.....

** potong mana yang tidak berkenaan*

E. PERAKUAN FAKULTI

☐

Diperakukan Mendaftar Mata Pelajaran Semester II 2015/2016

☐

Tidak Diperakukan Mendaftar Mata Pelajaran Semester II 2015/2016

Ulasan:

.....
Dekan

Cop:

Tarikh:

Lampiran :

1. Salinan diakui sah resit bayaran peperiksaan MUET Mac 2016
2. Salinan diakui sah keputusan MUET terdahulu

Borang ini hendaklah diisi oleh pelajar dan diserahkan kepada pentadbiran FTK. FTK diminta menyerahkan borang yang telah lengkap kepada BPA selewat-lewatnya sebelum/pada 2 Mac 2016 (Rabu)

**BORANG PERMOHONAN MENDAFTAR MATA PELAJARAN SEMESTER II – 2015/2016
OLEH PELAJAR YANG TELAH DISEKAT PENDAFTARAN WAJIB MATA PELAJARAN
KERANA BELUM MENDAPATKAN KEPUTUSAN SEKURANG-KURANGNYA BAND 2
MUET DI DALAM TEMPOH MASA YANG DITETAPKAN SENAT
(BORANG INI KHAS KEPADA PELAJAR-PELAJAR PROGRAM IJAZAH SARJANA MUDA
TEKNOLOGI KEJURUTERAAN SAHAJA)**

A. BUTIRAN PERIBADI

- | | | | |
|----|-------------------------|--|----------------------------------|
| 1. | Nama : | _____ | |
| 2. | No. Matrik : | _____ | 3. No. K/P: _____ |
| 4. | Fakulti : | _____ | 5. Kursus : _____ |
| 6. | Sesi Kemasukan : | _____ | 7. Tahun Pengajian Semasa: _____ |
| 8. | Jenis Kemasukan : | Kemasukan Biasa /
Kemasukan Terus /
Daftar Semula. | |
| 9. | Keputusan MUET Terkini: | Band _____ Sesi Peperiksaan: Mac / Julai/ November 201__ | |

B. PERMOHONAN

1. Saya memohon pertimbangan pihak UTeM agar dapat meluluskan pendaftaran mata pelajaran Semester II 2015/2016 dan seterusnya pelanjutan tempoh masa untuk mendapatkan sekurang-kurangnya Band 2 di dalam peperiksaan MUET.
2. Permohonan ini dibuat berdasarkan alasan yang berikut:
 - (a) jumlah kredit mata pelajaran didaftarkan bagi Semester II Sesi 2015/2016 ialah 12 kredit.
 - (b) saya telah mendaftar peperiksaan MUET Mac 2016. Salinan resit bayaran peperiksaan yang telah diakui sah disertakan.
 - (c) saya telah mendaftar dan akan mengikuti kelas intensif Bahasa Inggeris anjuran PBPI sebagai persiapan menghadiri peperiksaan MUET
 - (d) (alasan lain jika ada)

3. Saya pernah menduduki peperiksaan MUET beberapa kali seperti yang dinyatakan di bawah :

BIL	TARIKH PEPERIKSAAN	KEPUTUSAN (BAND)

(SILA LAMPIRKAN SLIP KEPUTUSAN MUET YANG TELAH DIAKUI SALINAN SAH UNTUK SETIAP PEPERIKSAAN YANG DINYATAKAN)

C. PERAKUAN PEMOHON

Saya dengan ini mengesahkan bahawasanya:

- (a) saya telah dimaklumkan dan memahami akan keperluan mendapatkan sekurang-kurangnya Band 2 dalam peperiksaan MUET sebagai syarat bergraduasi bagi semua pelajar Ijazah Sarjana Muda ("pelajar") bermula dengan kohort kemasukan Sesi Akademik 2011/2012;
- (b) saya juga telah dimaklumkan dan memahami bahawa berkuatkuasa mulai kohort kemasukan Sesi Akademik 2012/2013, tempoh masa dua (2) tahun dari tarikh pendaftaran pelajar baharu diberikan kepada pelajar untuk mendapat sekurang-kurangnya Band 2 di dalam peperiksaan MUET. Sekiranya pelajar gagal untuk memenuhi syarat tersebut, pelajar akan diberi tempoh pengawasan selama enam (6) bulan dan sekiranya masih gagal pelajar tidak dibenarkan mendaftar mata pelajaran pada semester tersebut;
- (c) saya turut dimaklumkan dan memahami bahawa ketetapan Universiti di perenggan (a) di atas dilonggarkan kepada semua pelajar yang mengikuti program Ijazah Sarjana Muda Teknologi Kejuruteraan kepada sekurang-kurangnya Band 2 menerusi keputusan Mesyuarat Senat Bil. 6/2014. Walaubagaimanapun, tempoh masa di perenggan (b) di atas yang diberi kepada pelajar kohort kemasukan Sesi Akademik 2012/2013 dan kohort seterusnya untuk mendapat sekurang-kurangnya Band 2 di dalam peperiksaan MUET masih dikekalkan;
- (d) semasa mendaftar kursus di UTeM, saya tidak mendapat sekurang-kurangnya Band 2 di dalam peperiksaan MUET;
- (e) saya telah membaca dan memahami isi kandungan surat tawaran dan Buku Panduan Kemasukan yang telah diterima oleh saya sebelum mendaftar di UTeM dan sesungguhnya mengakui kewajipan ke atas saya untuk memenuhi ketetapan di perenggan (c) di atas;

- (f) saya memahami dan akan bertanggungjawab sepenuhnya di atas apa-apa implikasi jika saya gagal mendapat sekurang-kurangnya Band 2 di dalam peperiksaan MUET di dalam tempoh masa yang ditetapkan sebagaimana dinyatakan di (c) di atas;
- (g) saya masih belum mencapai Band MUET yang diperlukan setakat tarikh menandatangani borang permohonan ini;
- (h) slip-slip keputusan peperiksaan MUET yang telah diakui sah dilampirkan; dan
- (i) permohonan ini dibuat adalah berdasarkan maklumat yang betul dan benar.

D. PENYERTAAN PROGRAM ASAS BAHASA INGGERIS (BLHL1010)

Saya ***pernah / tidak pernah** menghadiri Program Asas Bahasa Inggeris (BLHL1010) yang dianjurkan oleh PBPI sebagai kelas persediaan MUET.

Jika pernah menghadiri, sila nyatakan maklumat penyertaan:

SEMESTER	SESI AKADEMIK

Sekian terima kasih.

Tandatangan:

Nama:

Tarikh:.....

** potong mana yang tidak berkenaan*

E. PERAKUAN FAKULTI

☐

Diperakukan Mendaftar Mata Pelajaran Semester II 2015/2016

☐

Tidak Diperakukan Mendaftar Mata Pelajaran Semester II 2015/2016

Ulasan:

.....

Dekan

Cop:

Tarikh:

Lampiran :

1. Salinan diakui sah resit bayaran peperiksaan MUET Mac 2016
2. Salinan diakui sah keputusan MUET terdahulu